



Tužilaštvo/Tužiteljstvo Brčko distrikta Bosne i Hercegovine
Тужилаштво Брчко дистрикта Босне и Херцеговине
Prosecutor's Office of the Brcko District of Bosnia and Herzegovina

<http://jt-brckodistriktbih.pravosudje.ba>



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtbd@jtbd.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: jtbd@jtbd.ba

SAOPĆENJE ZA JAVNOST

Umjesto predloženog pritvora **Senadu Aliću* izrečena mjera zabrane**

Brčko, 26. mart 2021. godine



Umjesto pritvora kojeg je predložilo Tužilaštvo Brčko distrikta BiH, Osnovni sud u Brčkom izrekao je mjeru zabrane Senadu Aliću (48)* zaposlenom u Službi za boračko-invalidsku zaštitu u tom gradu. Aliću, koji je uhapšen prije tri dana zbog sumnje da je primio novac radi trgovine uticajem u zapošljavanju, izrečena je mjera zabrana sastajanja sa jednim od svjedoka Tužilaštva.

Pod nadzorom ovog tužilaštva, u sklopu provođenja posebnih istražnih radnji, Policija Brčko distrikta BiH lišila je slobode službenika Odjela za zdravstvo i ostale usluge zbog sumnje da je, uz obećanje zaposlenja, od jednog građanina uzeo novac. Sumnja se da je Alić nekoliko dana ranije licu S.A., angažiranom u istom odjelu po ugovoru, ukazao na javni konkurs na kojem bi mu za novac mogao osigurati da bude izabran zatraživši od njega da se izjasni koliku sumu je za to spreman isplatiti. Zaposlenik službe za boračko-invalidsku zaštitu uhapšen je pošto mu je S.A. po njegovim uputama u auto ostavio kovertu s traženim iznosom, a koji je po osumnjičenom trebalo predati komisiji za zapošljavanje radi dokazivanja „ozbiljnosti“ kandidata.

Nakon kriminalističke obrade u policiji, on je uz izvještaj o počinjenom krivičnom djelu sproveden u prostorije Tužilaštva Distrikta, gdje je ispitan u svojstvu osumnjičenog. Zbog sumnje da je počinio krivično djelo primanja dara ili drugog oblika koristi za trgovinu uticajem (iz člana 376 stav 1 Krivičnog zakona Brčko distrikta BiH), te usljed opasnosti od uticaja na svjedoke, Tužilaštvo je predložilo sudu da odredi pritvor Aliću. Umjesto predloženog pritvora, Osnovni sud Brčko distrikta BiH izrekao je osumnjičenom mjeru zabrane sastajanja sa jednim od svjedoka Tužilaštva. Po prijemu pisanog otpisivanja sudske odluke, Tužilaštvo će odlučiti da li će izjaviti žalbu, a u svakom slučaju u saradnji s Policijom nastaviti će s provođenjem istrage korupcije u zapošljavanju u javnom sektoru.

*Preduzimanje radnji krivičnog gonjenja prema određenom licu ne znači da je to lice zaista i odgovorno za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.



Tužilaštvo/Tužiteljstvo Brčko distrikta BiH



GLAVNI TUŽILAC
ZEKERIJA MUJKANović